



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

---

### ბუჩქისძირა

ბუჩქისძირა (*Corydalis*), მცენარეთა გვარი შავთარასებრთა ოჯახისა (ადრე ყაყაჩოსებრთა ოჯახს აკუთვნებდნენ). მრავალწლოვანი, იშვიათად ერთ- ან ორწლოვანი ბალახებია. აქვთ გორგლისებრ გამსხვილებული ფესვები და კენწრულ მტევნისებრ. ყვავილედად შეკრებილი მონითალო, იისფერი ან ყვითელი დებიანი ყვავილები. გვარი აერთიანებს 300-მდე სახეობას, რ-ებიც გავრცელებულია ჩრდ. ნახევარსფეროს ზომიერ სარტყელში, 1 სახეობა – ტროპ. აფრიკაში. საქართვე. ტყეებსა და ტყისპირებზე, ბუჩქნარებსა და ალპ. მდელოებზე 9 სახეობა იზრდება, მათგან *C. vittae* საქართველოს, კერძოდ აფხაზეთის, ენდემია, გვხვდება ალპ. სარტყელში მდნობი თოვლის ლაქების ახლოს; *C. alexeenkoana* და *C. emanueli* კავკასიის ენდემებია. პირველი გვხვდება იმერეთში (ზეკარის უღელტეხილი), ქართლსა (ლომისმთა) და ჯავახეთში (ტაბანყური), მეორე – აფხაზეთსა და ქართლში. ბ-ს თითქმის ყველა სახეობა თაფლოვანი და დეკორატიულია.

**მ.**  
**გურგენიძე**

---